

Na sesión celebrada na data que se indica, adoptouse o seguinte

ACORDO:

Na cidade de Ourense, a tres de maio de dous mil cinco

Visto o expediente de clasificación do monte como veciñal en man común coa denominación de “A Pedra, Uzal dos Cortellos e Pala da Lastra”, por solicitude dos veciños de Pena do Souto, parroquia do Navallo (San Vicente), do concello de Riós (Ourense).

Resultando que con data 16 de xaneiro de 2002 e ampliada en 25 de novembro de 2002, tivo entrada no rexistro da Delegación Provincial da Consellería de Medio Ambiente en Ourense, escrito dirixido ao Xurado Provincial de Montes Veciñais en Man Común asinado polos veciños do lugar de Pena do Souto, concello de Riós (Ourense), solicitando se declare o monte coa denominación “A Pedra, Uzal dos Cortellos e Pala da Lastra”, como veciñal man común.

Resultando que o Xurado Provincial de Montes Veciñais en Man Común en sesión de data 6 de novembro de 2002, acordou tomar en consideración o citado escrito e iniciar o expediente de clasificación do monte designando instructores do mesmo a Manuel Bouzas Costa e Miriam Areal López.



aceptaron tal cargo na mesma sesión. Remitíronse comunicacións dirixidas aos veciños do lugar de Pena do Souto, á Deputación Provincial de Ourense, ao Concello de Riós á Delegación Provincial da Consellería de Política Territorial, Obras Públicas e Vivenda, á Xerencia Territorial do Catastro, ao Servizo de Montes e Industrias Forestais da Consellería de Medio Ambiente, á Delegación Provincial da Consellería de Política Agroalimentaria e Desenvolvemento Rural e ao Rexistro da Propiedade de Verín

Publicáronse edictos no *Diario Oficial de Galicia* e no taboleiro de anuncios do Concello de Riós, segundo consta en dilixencia estendida ao dorso do edicto polo secretario do citado concello, para que durante o prazo sinalado dun mes os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente practicou no Rexistro da Propiedade de Verín, como segue:

Asento 2810, do Diario 36, Anotación letra A, leiras números 15.705, 15.707, e 15.709 de Riós, Folios 175, 176 e 177, Tomo 701, Libro 98

Resultando que na tramitación do expediente se cumpriron tódalas formalidades legais.



Resultando que da tramitación e investigacións do expediente, o Servizo de Montes e Industrias Forestais informa que *a parcela denominada "Pala da Lastra" sitúase en terreos dos montes veciñais en man común:*

1º) O denominado "Florderrei", pertencente aos veciños de Florderrei, no mesmo concello e con consorcio vixente (OR-2038)

2º) O denomiando "Castrelo de Cima", pertencente aos veciños de Castrelo de Cima, do mesmo concello e convenio vixente (321-55135)

Ambos montes foron clasificados polo Xurado Provincial de Montes Veciñais en Man Común en datas 23 de xuño de 1975 e 14 de maio de 1974, sendo firmes os acordos.

Resultando que efectuada visita ao monte, compróbase efectivamente que os terreos da parcela Pala da Lastra están xa clasificados mediante os acordos do xurado mencionados no resultando anterior.

Considerando que o Xurado Provincial de Montes Veciñais en Man Común ten xurisdición e competencia para coñecer os expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:





- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable; e
- 5) Que a comunidade é indivisible, non podendo os comuneiros pedir a "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar de Pena do Souto, no concello de Riós

Considerando que de acordo co artigo 2 da Lei 13/1989 os montes veciñais en man común son bens inalienables, imprescritibles, indivisibles e inembargables, constituíndo esta natureza un carácter inherente ao monte con carácter preexistente.

Os datos do citado monte son os que se referencian na parte dispositiva deste acordo.





Considerando que das informacións recollidas resulta que os veciños do lugar de Pena do Souto, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común o expediente de clasificación se iniciou por acordo do xurado, por instancia dos veciños do lugar de Pena do Souto, para que este xurado puidese acordar a iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu regulamento: o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, de 26 de novembro de 1992.

Visto o Decreto 106/2004, do 27 de maio, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:



Asdo.:



ACORDA:

Primeiro.- Non clasificar o monte denominado "Pala da Lastra", de 6 ha 38 a, de superficie aproximada, xa que o mesmo atópase en terreos dos montes veciñais en man común coa denominación de Florderrei, clasificado en data 23/06/75 para os veciños de Florderrei (Ríós); e o denominado Castrelo de Cima, clasificado en 14/05/74, para os veciños de Castrelo de Cima. (Ríós).

Segundo. - Clasificar o monte coa denominación *A Pedra e Uzal dos Cortellos*, de 8 ha 62 a, en conxunto, aproximadamente de superficie a favor dos veciños do lugar de Pena do Souto, parroquia do Navallo (San Vicente), no Concello de Ríós (Ourense) , e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Ríós (Ourense)

Denominación do monte: A Pedra e Uzal Dos Cortellos .

Comunidade propietaria: veciños do lugar de Pena Do Souto

Superficie: 8 ha 62 a, en conxunto , aproximadamente.

Monte denominado : A Pedra

Superficie: 5 ha 03 a, aproximadamente

Estremas

Norte. Camiño e Silvino Gómez Rodríguez

Sur: Ricardo Rodríguez e outros





Leste: camiño

Oeste: Ricardo Rodríguez

Este monte atravésao un camiño tal e como se reflicta no mapa

Monte denominado: Uzal dos Cortellos

Superficie: 3 ha 59 a, aproximadamente

Estremas:

Norte: camiño e Ricardo Rodríguez

Sur: Joaquín Nieves

Leste: Herculiano Luis

Oeste: Silvino Gómez Rodríguez

Neste monte atópase encravada unha leira de 46 áreas de superficie de Ricardo Rodríguez, tal e como se reflicta no mapa.

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución ao concello de Riós (Ourense), aos representantes da comunidade veciñal, ao Servizo de Montes e Industrias Forestais da Consellería de Medio Ambiente, aos que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Clasificación de Montes





Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ambos os dous prazos a partir do día seguinte ao da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administración públicas e do procedemento administrativo común e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa.)

CONSELLERÍA DE MEDIO AMBIENTE
COTEXADO E COMPROBADO ORIGINAL
Ourense.....
Asdo.:
XUNTA DE GALICIA

N.

